



**Claudii Fleurii Abbatis Historia Ecclesiastica**

Ab anno Christi 1566 usque ad annum 1572

**Fleury, Claude**

**August. Vind. [u.a.], 1772**

**VD18 90118634**

§. 4. Francisci Gonzagæ Cardinalis obitus.

---

[urn:nbn:de:hbz:466:1-67213](#)

**Sæcul. XVI** esse pariter Ordinis sui alumnos: ideo  
A.C. 1566. hi Religiosi duos e suis, videlicet P. Petrum le Roy, qui Mariæ Austriacæ, Reginæ Poloniæ fuerat a Confessionibus, & P. Theodorum a Leodio, qui apud Ducem Albanum gratiam invenerat, ad Regem delegavere, in id incumbentes, ut hic quoque caussæ hujus æquitatem promovere vellet: interea vero Pius V. Baji libros Theologis examinandos tradebat.

## §. III.

*Papæ Nepos in Cardinalem creatus.*

*Ciacon. t. 3.  
pag. 129.*

Hic idem Pontifex die sexta Martii duntaxat unum, qui erat Michael Bonellus Ordinis sancti Dominici Religiosus, ac Papæ ex sorore nepos, purpura decorabat, quamvis hoc anno sacramum Collegium jam sextum Cardinalem vita functum luxisset.

## §. IV.

*Francisci Gonzagæ Cardinalis obitus.*

*Ciacon.  
pag. 934.  
Cabrera l. 4.  
cap. 22.*

Inter Cardinales hoc anno vivis electos primus numerabatur Franciscus Gonzaga Ferdinandi Ariani Principis, & Isabellæ Capuanæ Molfetæ Filius, ac proin Nepos Cardinalis Herculis Gonzagæ, qui inter Pii IV. Legatos ad Concilium Tridentinum destinatos primus erat, ac inter alios fratres suos habe-

habebat Cæsarem Ariani Principem, & Joannem Vincentium Melitensem E-  
quitem, quem postea Gregorius XIII.  
sacra purpura insignivit; porro Fran-  
ciscus cum jam teneris ab annis exi-  
mia suæ virtutis, pietatis, morumque  
integritatis specimina edidisset, ac in  
scientiarum, præcipue vero forensium  
rerum intelligentia emineret, a Pio IV.  
Gonzagarum Familiæ affini ex Aquæ  
nigræ Abbatे, & Protonotario Apo-  
stolico Diaconus Cardinalis S. Nicolai  
in Carcere Tulliano, & mox Presbyter  
S. Laurentii in Lucina, ac Provinciæ  
Campaniæ Legatus Mense Februario  
Anno Domini millesimo quingentesimo  
sexagesimo primo creatus est: obtinuit  
insuper Archiepiscopatum Cosentinum  
in Apulia, quem tamen nonnisi qua-  
tuor annis rexit, postea vero Thomæ  
Tilesio cessit, dum ipse die duodecima  
Januarii Anno Salutis nostræ millesi-  
mo quingentesimo sexagesimo quinto  
ad Mantuanum Episcopatum electus  
fuit, quem etiam exiguo admodum  
tempore tenuit; obiit enim die sexta  
Januarii Anno Christi millesimo quin-  
gentesimo sexagesimo sexto, ætatis suæ  
nonnisi vigesimo octavo, cuius manibus  
Leonardus Malaspina oratione funebri  
parentabat.

Sæcul. XVI.  
A.C. 1566.

A g

§. V.